



Ku pfuna kokwana va hola



Siboniso Cliford Mashabane





I nkarhi wa swakudya swa nimixo.

Ndyangu wu tshama etafuleni. Va yimele kokwana wa xinuna leswaku a ta tshama na vona.

Yoo! Kokwana wa xinuna u rheta a wa! U ti vavisile voko ra yena hi ndlela yo chavisa.



Kokwana u le xibedlhele.

Dokodela u ololoxile marhambu ya voko ra vona.

“U fanele ku tshama exibedlhele ku ringana masiku yo hlaya nyana, kokwana,” ku vula dokodela.

Kokwana u dyuharile, naswona swi ta teka nkarhi ku va a hola.







Hi Musumbhunuko, kokwana wa xisati na Somisa va fikile exibedlhele ku ya khongelela kokwana wa xinuna.

“Swikhongelo swa hina swi ta mi pfuna ku hola,” ku vula Somisa.

“Ndza khensa,” ku vula kokwana wa xinuna.



Hi Ravumbirhi, manana na Talani va tiserile kokwana wa xinuna maapula na tibanana.

“Ku dya mihandzu swi ta mi pfuna ku hola,” ku vula Talani.

“Ndza khensa,” ku vula kokwana wa xinuna.







Hi Ravunharhu, tatana na Somisa va tiserile kokwana wa xinuna buku.

“Ku hlaya swi ta mi pfuna ku hola,” ku vula Somisa.

“Ndza khensa,” ku vula kokwana wa xinuna.



Hi Ravumune, malume Falaza na Talani va tiserile kokwana wa xinuna xiyanimoya.

“Ku yingisela vunanga swi ta mi pfuna ku hola,” ku vula Talani.

“Ndza khensa,” ku vula kokwana wa xinuna.







Hi Ravuntlhanu, dokokodela u kambela voko ra kokwana.

“Voko ra n’wina ri hola kahle. Mi nga ya ekaya. Kambe mi fanele ku vuya vhiki leri landzelaka ku ta kamberiswa,” a vula.

“Ndza khensa,” ku vula kokwana wa xinuna.



Kokwana wa xinuna u lulamerile ku ya ekaya!

Tatana na Talani va le xibedlhele ku n'wi landza.

“Vanhu hinkwavo va tsakile leswaku mi vuya eka, kokwana!” ku vula Talani.







Ekaya, manana, kokwana wa xisati, malume Falaza na Somisa va ti lulamiserile ku amukela kokwana.

Kokwana wa xisati u bakile khekhe.

Manana u tisa tipuleti etafuleni.

Malume Falaza u le ku oxeni.

Somisa u pfurhetela tibaluni.



Kokwana u vuyile ekaya!

Vanhu hinkwavo va tsakile.

“Ndza khensa, ndyangu wa mina,” ku vula kokwana. “Rirhandzu ra n’wina ri ndzi pfunile ku va ndzi hola!”